

Na osnovu člana 84. stav (2) Kolektivnog ugovora za djelatnost osnovnog obrazovanja u Tuzlanskom kantonu ("Službene novine Tuzlanskog kantona", br. 3/17, 7/18, 16/18, 17/18, 17/20, 22/21, 20/22, 1/23, 4/23, 11/23 i 4/24), Samostalni sindikat radnika osnovnog obrazovanja i odgoja Tuzlanskog kantona, kojeg zastupa predsjednik Sumedin Kulović i Vlada Tuzlanskog kantona, koju zastupa ministar obrazovanja i nauke dr. sc. Ahmed Omerović, dana 16.01.2025. godine u Tuzli, zaključili su i potpisali

A N E K S

Kolektivnog ugovora za djelatnost osnovnog obrazovanja u Tuzlanskom kantonu

Član 1.

U Kolektivnom ugovoru za djelatnost osnovnog obrazovanja u Tuzlanskom kantonu ("Službene novine Tuzlanskog kantona", br. 3/17, 7/18, 16/18, 17/18, 17/20, 22/21, 20/22, 1/23, 4/23, 11/23 i 4/24), u članu 4. iza stava (3) dodaje se novi stav (4) koji glasi:

"(4) Odredbe ovog kolektivnog ugovora koje se odnose na radno vrijeme, odmore i odsustva, zaštitu zdravlja i sigurnosti na radu, plaće, naknade plaće, nagrade i druge naknade primjenjuju se na odgovarajući način i na direktora."

Član 2.

U članu 17. u stavu (2) u tački e) u alineji 1) poslije riječi "ističe se" dodaju se riječi "ili uspješan".

U istoj tački u alineji 2) poslije riječi "naročito se ističe" dodaju se riječi "ili izuzetno uspješan".

Član 3.

U članu 19. u stavu (1) iza riječi "radnika" dodaju se riječi "najkasnije do kraja maja tekuće kalendarske godine".

Član 4.

U članu 20. u stavu (1) iza riječi "škole" dodaju se riječi "posebnim rješenjem koje između ostalog mora sadržavati odredbe o kojim se neodložnim poslovima radi, koliko će trajati prekid kao i odredbu o neposrednom nastavku korištenja utvrđenog godišnjeg odmora".

Član 5.

U članu 22. u stavu (1) u tački c) iza riječi "radnika" dodaju se riječi "ili drugi porodični razlozi (rođenje unučeta, završetak školovanja djeteta i sl.)".

U istom stavu u tački d) riječ "supružnika" zamjenjuje se riječima "bračnog ili vanbračnog partnera ili bivšeg bračnog ili vanbračnog partnera sa kojim radnik ima zajedničko dijete".

Član 6.

U članu 23. u stavu (3) u tački a) riječi "te u drugim opravdanim slučajevima" brišu se.

U istom stavu iza tačke d) dodaje se nova tačka e) koja glasi:

"e) i u drugim slučajevima na zahtjev radnika u trajanju najduže do jedne godine".

Član 7.

U članu 33. u stavu (1) riječ "budžeta" zamjenjuje se riječima "Budžeta Kantona".

Član 8.

U članu 34. u stavu (1) riječ "budžeta" zamjenjuje se riječima "Budžeta Kantona".

Član 9.

U članu 35. u stavu (2) u tački b) iza alineje 3. dodaje se nova alineja 4. koja glasi:

“- saradnik za pitanja nacionalnih manjina u školama, sa završenim dodiplomskim studijem u četverogodišnjem trajanju (VII stepen stručne spreme) ili završenim prvim (I) ciklusom visokog obrazovanja u četverogodišnjem trajanju koji se boduje sa 240 ECTS bodova.”.

U istom stavu u tački c) podtački b) iza alineje 11. dodaje se nova alineja 12. koja glasi:

“- odgajatelj u produženom boravku”.

U istom stavu u tački d) iza alineje 11. dodaju se nove alineje 12. i 13. koje glase:

“- odgajatelj u produženom boravku sa završenim prvim (I) ciklusom visokog obrazovanja u trogodišnjem trajanju koji se boduje sa 180 ECTS bodova;

- asistent u Zavodu.”.

U istom stavu u tački h) iza alineje 3. dodaje se nova alineja 4. koja glasi:

“- portir u Zavodu”.

Član 10.

U članu 35a. dodaje se novi stav (1) koji glasi:

“(1) Direktor u zbog povećane odgovornosti, povećanog obima i složenosti poslova i prekovremenog rada, može, posebnom odlukom Vlade Kantona, biti utvrđeno uvećanje plaće po osnovu položajnog dodatka.”.

Dosadašnji stavovi (1) i (2) postaju stavovi (2) i (3).

Član 11.

U članu 38. u stavu (11) riječi “tačke d) i tačke i) stava 3)” zamjenjuju se riječima “stava (1) tačke c), d) i i)”.

Član 12.

U članu 39. stav (4) mijenja se i glasi:

“(4) Radniku se koeficijent za obračun osnovne plaće uvećava za 7% ukoliko stekne više stručno zvanje mentor odnosno ukoliko bude dva puta uzastopno ocijenjen ocjenom najmanje uspješan, za 14% ukoliko stekne više stručno zvanje savjetnik odnosno ukoliko bude dva puta uzastopno ocijenjen ocjenom izuzetno uspješan i za 15% ukoliko stekne više stručno zvanje viši savjetnik bez obzira da li se radi o osnovnom ili počasnem stručnom zvanju.

U istom članu u stavu (6) riječi “tokom trajanja radnog odnosa u osnovnoj školi” brišu se.

U istom članu u stavu (7) iza riječi “staža” dodaju se riječi “, od čega najmanje 15 godina“.

U istom članu iza stava (7) dodaje se novi stav (8) koji glasi:

“(8) Radniku koji je stekao pravo na trajno više stručno zvanje kao i radniku koji je stekao pravo na trajno zadržavanje konačne ocjene “izuzetno uspješan” u skladu sa ovim kolektivnim ugovorom, uvećava se koeficijent za obračun osnovne plaće za 2%.”.

Član 13.

U članu 41. u stavu (4) iza riječi “osnovnih” dodaju se riječi “ili srednjih”.

Član 14.

U članu 45. iza riječi “od” dodaje se riječ “najmanje”.

Član 15.

Član 47. mijenja se i glasi:

„Član 47.

(Naknada za slučaj smrti, teške bolesti, invalidnosti i povrede)

(1) U slučaju teške bolesti, povrede i invalidnosti radnika ili člana njegove uže porodice isplaćuje se novčana pomoć u visini od jedne prosječne neto plaće ostvarene u Federaciji BiH, prema posljednjem objavljenom podatku Federalnog zavoda za statistiku.

(2) U slučaju smrti radnika, njegovoj porodici se isplaćuju troškovi sahrane u visini od tri prosječne neto plaće ostvarene u Federaciji BiH, prema posljednjem objavljenom podatku Federalnog zavoda za statistiku.

(3) U slučaju smrti člana uže porodice radnika isplaćuje se jednokratna novčana pomoć u visini od dvije prosječne neto plaće ostvarene u Federaciji BiH prema posljednjem objavljenom podatku Federalnog zavoda za statistiku.

(4) Ukoliko u ustanovama obrazovanja koji se finansiraju iz Budžeta Kantona, rade dva ili više članova porodice, troškovi sahrane iz stava (2) ovog člana isplaćuju se u srazmjernom iznosu tim članovima porodice.

(5) Ukoliko radnik radi u dvije ili više škola koje se finansiraju iz budžeta Tuzlanskog kantona s punim radnim vremenom, naknade iz stavova (1), (2) i (3) ovog člana ostvaruje procentualno radnom vremenu u tim školama.

(6) Ukoliko radnik u smislu stava (5) radi s nepunim radnim vremenom, škole isplatu razlike do punog iznosa pripadajuće naknade vrše u jednakim dijelovima.

(7) Članom uže porodice radnika u smislu ovog člana smatraju se: bračni ili vanbračni partner, roditelji, očuh, maćeha, usvojitelj i dijete (bračno, vanbračno, usvojeno, pastorče i dijete bez roditelja uzeto na izdražavanje), a unučad bez roditelja, braća i sestre ukoliko sa radnikom žive u zajedničkom domaćinstvu ili su ih oni dužni izdržavati.

(8) Pod teškom bolešću u smislu ovog ugovora, a koja se dokazuje dijagnozom utvrđenom od ovlaštene zdravstvene ustanove, podrazumijeva se:

a) Respiratorne bolesti:

- 1) bolesti pluća praćene trajnim oštećenjem respiratorne funkcije (sa vrijednostima FVC, FEV1 I FEV1 - FVC ispod 40%),
- 2) apsces pluća i medijastinuma,
- 3) pitorax,
- 4) respiratorni distress sindrom.

b) Bolesti koštano-mišićnog i vezivnog tkiva:

- 1) direktna infekcija zglobova kod infektivnih i parazitskih oboljenja,
- 2) seropozitivni reumatoidni artritis kada je bolesnik nesposoban za bilo kakve aktivnosti ili vezan za postelju i invalidska kolica,
- 3) ankilozirajući spondilitis,
- 4) protruzija intervertebralnog diskusa praćene komplikacijama (težim funkcionalnim oštećenjem nerava, mišića, popuštanjem sfinktera) zahtijevaju intenzivan i dugotrajan tretman,
- 5) bolesti koje uzrokuju ozbiljne funkcionalne smetnje i lokomotornog aparata, vežu bolesnika za postelju i trajno ga onemogućavaju u svakodnevnim radnim aktivnostima.

c) Neuromišićne bolesti:

- 1) progresivna neuromišićna oboljenja,
- 2) multipla skleroza,
- 3) mijastenija gravis,
- 4) epilepsija nekontrolirana ili rezistentna na terapiju,
- 5) nezarazni encefalitis i encefalomijalitis.
- 6) druga neuromišićna oboljenja koja ugrožavaju život ili pored intenzivnog liječenja dovode do trajnog funkcionalnog oštećenja i onesposobljenja.“

d) Specifična stanja koja zahtijevaju skupi doživotni tretman:

- 1) transplantacije organa,
- 2) transplantacija koštane srži,
- 3) stanja poslije operativnih zahvata na srcu, mozgu i plućima koja zahtijevaju duže bolničko liječenje, rehabilitaciju i intenzivni medikamentozni tretman.

e) Ostala oboljenja:

- 1) infarkt (srčani ili moždani),
- 2) maligni tumori.
- 3) akutna tuberkuloza,
- 4) endemska nefropatija,
- 5) hirurgijska intervencija na srcu i mozgu,
- 6) sve vrste degenerativnih oboljenja centralnog nervnog sistema,
- 7) oboljenja mišićnog sustava,
- 8) paraliza i druge teške bolesti određene općim aktom Federalnog Ministarstva zdravstva kao i teške tjelesne povrede.

f) Zarazne bolesti:

1) HIV /AIDS

2) i druge zarazne bolesti praćene komplikacijama koje ugrožavaju život i zahtijevaju bolničko liječenje duže od 30 dana.

g) Tumori:

1) dobroćudni tumori koji svojom lokalizacijom ili prirodom mogu ugroziti život ili bitno umanjiti funkciju organa ili sustava.

h) Bolesti krvi, krvotvornog sistema i imunološkog sistema:

- 1) stećena aplazija crvenih krvnih zrnaca,
- 2) nasljedni nedostatak faktora VIII i IX,
- 3) mijelofibroza,
- 4) druge bolesti krvi, krvotvornog imunološkog sistema kada ugrožavaju život oboljelog i /ili zahtijevaju dugotrajno i skupo liječenje.

i) Endokrine i metaboličke bolesti:

- 1) šećerna bolest sa komplikacijama (sljepilo, bubrežna insuficijencija, gangrena ekstremiteta),
- 2) poliglandularna disfunkcija,
- 3) poremećaji hipofize koji utječu na rast i razvoj,
- 4) fenilketonurija,
- 5) druge bolesti koje ugrožavaju život oboljelog ili dovode do ozbiljnog funkcionalnog oštećenja ili onesposobljenosti oboljelog.

j) Duševne bolesti:

- 1) bolesti zbog čije prirode i stanja oboljeli može ugroziti svoj i /ili život drugih osoba, oštetiti materijalna dobra, a koje zahtijevaju stalni medikamentozni tretmani kontinuirano praćenje od strane ovlaštenog psihijatra.
- 2) demencija kod Alzheimerove bolesti,
- 3) nespecifične demencije,
- 4) mentalna retardacija,
- 5) autizam.

k) Bolesti oka i vidnog živca:

- 1) koje svojom prirodom ili svojim posljedicama dovode do gubitka vida na jednom ili oba oka,
- 2) optički neuritis i drugi poremećaji optičkog nerva i optičkih puteva koji ireverzibilno ugrožavaju vid.

l) Bolesti kardiocirkulatornog sistema:

- 1) reumatska groznica koja obuhvata srce,
- 2) oboljenja zalizaka praćena popuštanjem srčanog mišića,
- 3) hipertenzivna oboljenja srca sa popuštanjem srčanog mišića,
- 4) hipertenzivna oboljenja bubrega sa renalnom isuficijencijom,
- 5) plućna embolija,
- 6) akutni pankarditis,
- 7) subarahnoidalno krvarenje,
- 8) intracerebralno krvarenje,

- 9) Aortalna rascjepljenja,
- 10) Wagnerova granulomatoza,
- 11) Enarteritis obliterans sa uznapredovalim oštećenjem arterijske cirkulacije.

lj) Bolesti gastrointestinalnog i hepatobilijarnog trakta:

1) teška akutna i hronična stanja gastrointestinalnog trakta koja ugrožavaju život, zahtijevaju dugotrajan tretman ili dugotrajno bolničko liječenje radi održavanja funkcije organa, sistema i cijelog organizma ili sprečavanja trajnog gubitka funkcije organa.

2) bolesti jetre različite etiologije sa trajno promjenjenim i patološkim nalazima u kliničkom, laboratorijskom i funkcionalnom smislu, a koje zahtijevaju dugotrajno liječenje ili kod kojih je indiciran tretman imunostimulativima.

m) Kožne bolesti:

- 1) Ožiljni pemfigoid,
- 2) Sindrom Lyell,
- 3) Sindrom toksičke i bakterijske epidermalne nekrolize,
- 4) Sindrom Stavens -John son,
- 5) Pioderma gangrenosum, i

6) Bolesti koje u fazi pogoršanja ugrožavaju život ili vežu bolesnika za postelju, bitno otežavaju svakodnevno ili onemogućavaju svakodno funkcionisanje i onemogućavaju radne aktivnosti,

n) Sistemske bolesti:

- 1) poliarteritis nodosa,
- 2) sistemski lupus erythematodes,
- 3) difuzna sistemska sklerodermija,
- 4) dermatomiositis sa miocarditisom ili vasculitisom,
- 5) Kawasakijev sindrom,
- 6) Sarkoidoza,

7) druge bolesti poznate i nepoznate etiologije kada u svojoj akutnoj fazi i fazi pogoršanja ugrožavaju život oboljelog ili dovode do trajnog funkcionalnog oštećenja ili onesposobljenosti oboljelog.

nj) Bolesti urogenitalnog trakta:

- 1) nefrotski sindrom bilo koje etiologije gdje i pored primljene svih sredstava i metoda liječenja ne dolaze do poboljšanja i bolest brže ili sporije napreduje,
- 2) Upale bubrega praćene bubrežnom insuficijencijom,
- 3) Hronična bubrežna insuficijencija koja zahtjeva trajnu dijalizu,
- 4) Opstruktivna i refluks uropatija, i
- 5) druge bolesti koje dovode oštećenja funkcije organa u stepenu da ugrožavaju život oboljelog ili ga vežu za postelju.

o) Kogenitalne malformacije, deformacije i horomozomske abnormalnosti kao:

- 1) kogenitalni hidrocefalus,
- 2) tuberozna skleroza,
- 3) kogenitalne malformacije srca čijom korekcijom se može postići zadovoljavajuća funkcija,
- 4) kogenitalne malformacije digestivnog trakta,
- 5) Kogenitalne maformacije polnih organa čijom korekcijom se postiže normalna ili zadovoljavajuća funkcija spolnih organa,
- 6) kogenitalne malformacije urinarnog sistema,
- 7) nedostatak ili defekt udova,
- 8) i druge kogentivne malformacije organa čijom korekcijom se postiže normalna ili zadovoljavajuća funkcija spolnih organa.“

(9) Pod povredom u smislu ovog ugovora, a koja se dokazuje dijagnozom utvrđenom od ovlaštene zdravstvene ustanove, podrazumijeva se:

- a) teške fizičke povrede koje ozbiljno oštećuju zdravlje i uzrokom su ozbiljnih oštećenja organa, osjetila i organskih sustava,

- b) prelom lobanje i kosti lica,
- c) penetrantne rane očne šupljine sa stranim tijelom ili bez njega,
- d) intrakranijska povreda,
- e) prelom vratne kičme,
- f) ozljeda živca i kičmene moždine u području vrata,
- g) ozljede krvnih žila u području vrata,
- h) zgnječenje (crush ozljeda) vrata,
- i) prijelom torokalne kičme,
- j) ozljeda živaca i kičmene moždine u području prsnog koša,
- k) ozljeda torokalnih krvnih žila,
- l) ozljeda srca,
- m) otvorene rane trbušne šupljine, donjeg dijela leđa i zdjelice,
- n) ozljeda organa trbušne šupljine,
- o) traumatska amputacija ramena i podlaktice,
- p) traumatska amputacija ručnog zgloba i šake,
- r) traumatska amputacija kuka i bedra,
- s) prijelom bedrene kosti,
- š) zgnječenja ("crush" ozljede) više dijelova tijela,
- t) traumatske amputacije koje zahvataju više dijelova tijela,
- u) opekotine (srednje teško opečeni- površine opekotine do 40% ili duboke opekotine funkcionalnih dijelova tijela bez obzira na njihovu površinu, teško opečeni površina opekotine prelazi preko 40% površine tijela ili duboke rane preko 10%, duboke opekotine funkcionalnih dijelova tijela bez obzira na njihovu površinu, smrtonosne opekotine – one koje zahvataju površinu tijela veću od 50 %.

(10) Naknade iz ovog člana isplaćuju se jednokratno.

(11) Zahtjev za isplatu novčane pomoći za slučaj teške bolesti i povrede radnika ili člana njegove uže porodice iz stava (1) ovog člana radnik može podnijeti u roku od šest mjeseci od nastupanja teške bolesti ili povrede, izuzev ukoliko je radnik usljed dugotrajnog boravka na bolničkom liječenju spriječen podnijeti zahtjev u predviđenom roku u kojem slučaju zahtjev može podnijeti u roku od 6 mjeseci od završetka bolničkog liječenja.”.

Član 16.

U članu 59. veznik “i”, poslije riječi poslova, zamjenjuje se veznikom “ili”.

Član 17.

U članu 60. u stavu (3) u tački b) iza riječi “višku” dodaju se riječi “o čemu je direktor škole obavezan sačiniti zapisnik i fotokopiju istog dostaviti Sindikatu”.

Član 18.

U članu 67. poslije stava (5) dodaje se novi stav (6) koji glasi:

“(6) Plaćena odsustva u smislu stavova (4) i (5) ovog člana radnik ostvaruje nesmetano, s tim da je obavezan najmanje dva dana prije korištenja odsustva pismenim putem obavijestiti direktora o korištenju plaćenog odsustva za određenu sindikalnu aktivnost a direktor škole je obavezan donijeti rješenje kojim omogućava radniku korištenje odsustva sa rada.”.

Dosadašnji stavovi (6) i (7) postaju stavovi (7) i (8).

Član 19.

Ovlašćuje se Zajednička komisija za tumačenje odredbi Kolektivnog ugovora za djelatnost osnovnog obrazovanja u Tuzlanskom kantonu da utvrdi prečišćeni tekst Kolektivnog ugovora za

djelatnost osnovnog obrazovanja u Tuzlanskom kantonu i isti putem Ministarstva obrazovanja i nauke Tuzlanskog kantona objavi u "Službenim novinama Tuzlanskog kantona".

Član 20.

Ovaj aneks stupa na snagu danom potpisivanja od strane ovlaštenih predstavnika ugovornih strana a primjenjuje se od 01.01.2025. godine.

Član 21.

Ovaj aneks će biti objavljen u "Službenim novinama Tuzlanskog kantona".

**SAMOSTALNI SINDIKAT
RADNIKA OSNOVNOG OBRAZOVANJA
I ODGOJA
TUZLANSKOG KANTONA**




**Predsjednik
Sumedin Kulović**

Broj: 02-20125
Tuzla, 16.01.2025. godine

**BOSNA I HERCEGOVINA
Federacija Bosne i Hercegovine
TUZLANSKI KANTON
VLADA**




**Po ovlaštenju
Ministar obrazovanja i nauke
dr. sc. Ahmed Omerović**

Broj: 02/1-34-462-1/25
Tuzla, 16.01.2025. godine